

九

篇

集

九簋前集詩卷之五

華亭宋楙澄幼清甫著

友人楊繼禮彥履甫校

七言律

慰離

竹葉牀頭何所求
牛衣馬食問貂裘
年年肺病來
鄉思處處浮
雲動旅愁西子共
憐歌舞月相如
獨卧涕橫秋自知
罪極漁陽鼓何幸
恩寬鸚鵡洲

王甥諫詩酒

野人喜醉尤喜詩
此味此意誰復知
小婦太吝王

壺淺外孫恒苦金印遲已從雙樹齊生歿那更三
階效委蛇早晚劉伶應斷酒解醒猶恐廢長辭

復書

使者乘槎出帝城玉寒吳下壽狂生小樓卧病當
秋色大地馳書傍月明自愧支離熊寢問誰云詞
賦兔園名東歸不棄離群客秋熟孤村酒價平

野飲

骨立萬事辭雙眸舉杯聊共鄰人酬孤楓隻鴈莫
深淚明月寒潭無恙秋落魄自甘違俗眼神無
復稱孤裘酒酣出門樹邊立夜烏相訴聲啾啾

作稱

不稱其
服義

試日

故人子墨賦長楊有酒如澠坐未央月對有愁光
若掩風生臨淚曲移商孤城寒色流黃外小苑秋
聲擣素長寂寂庾公高咏處英雄雲雨自難量

華山洞庭

上方地僻酒人稀縱目湖山酩酊歸花擁仙家香
引路竹臨谷口粉沾衣風師按節銅鳥靜龍伯貪
雲石燕飛漠漠洞庭千樹綠可能白首莫相違

新柳

東風乍暖露霏霏綠盡江南夢不迷青鏡春山初
入盡都亭別酒若含啼吹將玉笛梅同破唱入黃
金縷未齊待却流鶯來隴樹關山明月古安西

洞庭花飲

陰陰返照雨痕開携酒登臨湖上臺野鳥樹中窺
密菓美人窓半剪踈梅金庭青翠雲將散渡渚蒼
黃月上來更發盡船樵羯鼓玻璃水上玉山頽

洞庭登臺

烟渚春山醉幾回酒船臨處玉簫催香風總爲佳
人至紅雨還須燕子來海翠雲迴垂露鳥菱湖月

漾夜明苔不愁路黑驪珠引還許雲收石室開

晚步

千家樹發洞庭春湖外群山爽氣新鶯語柳枝如
對主花開逆旅若逢人因風青鳥雲中斷沽酒胡
奴月下頻山路磴研芳草暗遠從危頂澗相因

登嶺

春雨春寒辭故鄉白雲白雪限吳疆漁舟收網千
帆轉梅樹巡簷滿座香丹嶂可盤屯羽衛冷波消
夏悞君王數聲短笛斜陽外楊柳依依欲斷腸

桃花

紅顏如醉倚闌干好似珊瑚間木難鶯戀彩雲絲
竹暖粉溥珠露夜明寒輕隨柳絮風前度影落清
流鏡裏看疑是酒深嬌不起相將春色上雕鞍

洞庭清明

天懸風雨送清明故國春深白苧城盡日女兒山
下哭數聲杜宇客中情灣連明月龍盆見塢列桃
花鳳輦迎收拾夢魂歸去却非溪如鏡嶺雲平

洞庭寄諸大

鶯語稀聞我所思酒卮轉屈習家池銀房草潤流
金乳電柳風抽綻綠枝夕照映湖山泛泛小窓醉

眼月遲遲故人縞帶千秋祝白幘清時未有期

洞庭携飲

異鄉遷客酒爲鄉水荇遊絲白日長氣接五車通
石室洞開三穴引梅梁龍窺珠樹雲凝露燕出桃
花語帶香新調拭拋金管內可消清夢漫霓裳

南還

朔風凜凜獨辭燕齊魯雲山鴈影連瘦馬倦行停
岼側野人俟客倚牆邊孤邨醴酒開寒夜白雪晴
雲涉遠天寄語春光三十度護持梅使五千言

姑蘇道中

旅鴈紛紛度戍樓暮雲靄靄送行舟三年裘馬燕
臺月此日帆檣白下秋幪帳自疑虛問寢乳兒未
語已關愁布衣觸忤平生志往事空教逐水流

鄧大

同是長安侍從臣一杯聊慰遠行人長鯨淮海應
歸命匹馬關山逋幾巡老上臺荒砂磧夢明妃冢
漏故園春知君緩頰嫖姚席莫令呼韓別有論

寄樂二

已及蓴鱸解蒯緱忽聞羅網竟何由中原豈意逢
哥利朔氣誰云改蓐收淚似蓮花空有露身如柳

葉再迎秋書生髣髴長安路夢裏關河每逼邇

又寄樂二

去年同人極樂寺花下馬頭香上衣柳堤灘頭水
細下砂磧草中鴈息飛野僧禁酒苦淹住美人畏
晚連促歸入門似聞金吾語大內傳教罷打圍

初妓

十五羅敷初長成偏斜雙袖學逢迎簾前看去常
疑月花裏聽來半是鶯對客含嬌生避酒共娘密
語暗呼名一春寂寞梅花約莫遣催殘玉笛聲

寄遠

長安歸路許相隨馬首黃花負昔期
白下不傳鸚鵡賦彩毫三出鳳凰池
曾聞隔帳陽春曲更想賡歌公讌詩
四海多虞南北事月中太白已相宜

思樂二燕中時

小樓極目遠氛塵歲短年華在
葦新羗笛關山征戍客夕陽何處遠
行人垂花香稻侵郊岸惜羽沙鷗戀
水濱燕喜西都聲籍甚卽今散落感
星辰

送從兄入南太學

相將春合赴長安人有雙珠江有蘭
遲日片帆雲影外天涯微雨鴈翎寒
先朝歌吹餘山色後進威

儀習漢官客路倘逢重九日茱萸莫惜一枝看

支硎山懷趙二兼示上人

三年重到白雲鄉無恙諸天酒一觴鳥語乍停新
溜嚮竹烟深裊焙茶香飄風楊柳千絲月宿露禪
扉徹夜涼槐里美人應好我雙峰水國兩相忘

其二

共謁禪林白日曛上人重晤更殷勤試尋嫩筍添
茶色戲採新梅帶葉分半綠半青山共樹欲紅欲
白晚來雲故園會有離居思黃鳥聲聲遠近聞

杜鵑啼

曾經巴峽纔聽得誰料吳中樹底聞啼到不如常
斷絕若於歸去更殷勤月明想象千年恨春去間
關萬里雲非是人情宜客路荒蕪三徑久離群

送劉太史奉太夫人歸豫章

帝城三月問歸津墻拂桃花岼柳新早晚起居青
瑣客風波珍重白頭人石渠銀管移南浦高閣朱
簾啓北辰奉 詔往還期早赴鳳凰池上待陽春
鄭大司馬經畧還朝簡寄兩公子

躬承玉節鎮金方補袞旋歸帝座傍魚鳥陣喧花
下凱蛟龍錦染御前香九秋繁弱長安月三載牙

旗翰海霜回鵲昔干玄弋象驅馳一擊郭汾陽

別陸三

急管繁絃錦纜輕淺沙清水柳條明雲行不定晨
昏色鴈返初迴遠近情隨地逢花思故里空庭落
月迴孤城側聞衛霍功勲盛莫學終軍浪請纓

上方山五聖行宮

羣靈帝服玉橫腰鍾鼓喧聞寒絳綃車馬夜驅滄
海月旌旗時度彩雲橋拈香翠靨當花見掛低漁
帆傍水飄日暮蕭蕭啼鳥靜千峰烟合鬼神朝

仙子洞中有懷劉阮

寶瑟曾將勸酒卮霓裳却令夢迴疑波翻魚尾驚
虛影月耿山頭想盡眉洞瑣桃花空窈窕書傳野
鶴半差池總然會想長生藥無柰胡麻出水遲

劉阮重到天台不見仙子

洞口依然對夕曛流泉細草澗氤氲空餘禽鳥雙
雙語似有笙歌隱隱聞曉路斜通尊酒月天風低
度往來雲女郎若到桃花下莫逐桃花滯水紋

題王大醉花庵

庭列紅梅
故號醉花

千枝冉冉暖微茫明媚窓紗映女牆夜冷紅顏天
外飲酒深脂口雪生香臨風欲醒遲嬌語對月全

酣倦理妝解得主人起舞意錦衣飛上萬年觴

廣陵杏花村

王母祠連太乙壇玉樓絳節擁仙官月臨華表蘿
烟暖露冉雲旗斗柄寒二女弄珠紅杏樹雙成遺
翠碧闌干無緣乞賜金丹力生轉瓊花一借看

迎春不值

風細天清雪罷飛纔逢春事又相違美人度曲花
能語駿馬屯雲錦作圍翠幌湧開嫌袖冷珠簾試
捲送寒歸不愁日暮笙歌盡煞喜流鶯得所依

廣陵寄從二兄

期旬不檢白雲篇
夜發征帆是偶然
水長新荷魚繞躍
山生好樹鳥留連
嘗時竊卧窺西子
一勺難勝笑樂天
無恙池塘春草色
月明迴却廣陵船

再遊長安

夜投蘭若建慈航
夢起猶疑焚妙香
去日梅花辭上苑
來時柳色斷河梁
霜嚴五夜牛衣薄
水漲千山鳥道長
一自髭毛零落後
幾回伏枕月蒼蒼

與周五

時修安樂宮

碣石秋風紫塞寒
諸侯領卒護長安
不愁鵲鵲經營急
縱爲熊羆版築寬
繡柱晝懸丁令月
飛霜夜

拂錦征鞍王師頻歲多征討早晚旄頭倚劍看

送劉侍御請告還豫章

三年起草侍明君乞與初衣輒報聞此日星輅辭
帝里去年執法犯星文花飛春水開秦鏡帆帶晴
光入楚雲莫以東山高卧穩早修霜簡淨妖氛

其二

松風冬日想刑儀遂志青門有所思綠柳不遮驄
馬路白榆莫遠豸冠期豐城劍氣中宵合鮫室珠
胎出水遲脉脉故園明發處依依長樂曉鐘時

歸來

春愁懶聽建章鍾歸擁餘編一畝宮夜短玉衡陳
不及風微鐵馬坐無功芰荷遙映朱簾綠芍藥斜
侵石砌紅二十年來笑中事海雲早晚欲從龍

歸燕

淒清風色祖離筵欲別還來更可憐故壘今宵空
夜月烏衣此日近南天社嚴鴈信蘆花候秋老雞
聲子夜前極目似乘烟霧去好吹葭管入新年

其二

不隨秋葉委泥沙何處天涯更有家忽領新雛辭
畫棟還來細語過窓紗黃雲去日離離菊紅雨來

時樹樹花願作零陵山上石
湯從龍尾拂晴霞

卷之四

九籥刪集卷之六

華亭宋林澄幼清甫著

友人景萬齡延卿甫校

五言絕

迎郎曲

江水無西流明月無東逝
良人有歸期那得亦如此

哭友

漆燈半明滅淚急聲哽咽
暗風動流塵空庭冷孤

月

照別

窓前起羣鴉
鴉首見明月
以彼離群人
各照一回別

咏畫

屋敞尚可居
木枯尚可倚
豈不畏風波
人間隔山水

其二

良人事遊閒
賤妾心如灰
妾顏如枯木
君恩似流水

採茶詞

桑婦上山頭四望桑椹綠桑椹未得熟穀雨櫻桃綠

古意

桃李競顏色春風不得閒
菖蒲花一莖盡日水中間

題畫

翠鳥上芙蓉花笑鳥無言
鳥身飛不去花態慙生
成

記夢

魂夢多往還紅粉作燕子
飛入江水中相思傍風

起

古意

妾無相思方君有歸來散莫學竈上烟從風不復返

舟中

坐對紅顏老何曾進一言春風如有意翻却兩來船

僧舍

小樓初罷雨焚香對窓坐星光媚而鮮神龍試吞吐

遊武林口號

白菓繫高枝班鳩理暇語回頭探青黃索莫頻翻
羽

其二

兩路簇簇花小蝶掠竹粉女兒念娘身丁寧山驕
穩

其三

拂絲拜碣下雀轉翁仲頭紅白加人面掃動眉間
愁

其四

黑雲傳遠嶼獨燕飛泯聲水星雜螢火兩兩暈花
明

嚴灘

吾登茲山巔星辰如可摘願風吹散雲惟留日月
色

歸思

壁月悞歸期微風動輕雨芭蕉深立處鸚鵡低低
語

湖中兒女

臙脂勻金鏡湖水漾明霞阿郎來鏡後欲捕月中

花

山中古意

有題

流間

澗水山上生下山不復還
譬彼遠道人與子不相
關

花去

有花東南隅乃在月底開
美人欲相見疑雜落花
來

鶯語

黃鳥離其群好音隨風咽
以音鳴相思以咽見離

別

問月

久客欲歸去常恐不得決良會月下期慙勤夢中說

美人草

十日不出門門外草如許遠道懷美人若爲借容與

東望

東望無所見隱隱惟孤城願得操蛇神令之如武陵

松音

出人松栢間冷冷聞風聲願言崇德音安否遺子聽

舉爵

美人在東方不見亦已久將酒酌明月誰執美人手

茉莉

月中微露下花開如白玉採之香盈懷美人醉殘燭

淚

淚迫燈花濕煩他月色來眼中流不盡半強爲人
開

約夢

鴈聲落浮雲懷人課短燭夢中謝繾期淺笑頻含
玉

想象

酒俟餘嬌判香拚花氣同月流眉影細燈映淚絲
紅

茶花

上山送日落入門見月斜月情弄白影秋暖開茶

花

倚窓

自離分手地有月嬾教開留儂若沉醉不許日光
來

鴈初

明月不解言短夢苦相見倚醉挾長弓仰天射飛
鴈

斷腸花

蕩子秋風裏歸期向月賒遠情眼底見灼灼斷腸
花

蒨桂

人去桂花發人來桂花絕
小鳥想餘香回頭啄青
葉

臨檻

獨坐待鍾聲松枝擦燈火
開窓看雙星花影驚鷗
鷺

理髮

玉顏別秋帳密意成深病
短髮不禁梳返照菱花
鏡

燈卉

夜長添松油火焰開紅花一時風哽斷何處覓容
華

鑪烟

夢驚小離別因憶前十五含情對獸鑪氣結不能
吐

待渡

倚樹思故人攀條測河水下有連理枝上有相思
子

行靄

浮雲旣難乘誓言倘成假幸有白玉環猶在儂心

下

私祝

口燥促燒茶鴉爭竈上米雅若能寄書貯米簷頭

裏

九簫前集詩卷之七

華亭宋楙澄幼清甫著

友人張翬翔之甫校

七言絕

旅況

金漏初傳第一籌
滿城爭唱小梁州
相如獨卧樓頭月
無奈文君枕簟秋

臨風欲舉

叩門誰者乃友生
劇飲一石山月明
秋風忽捲白雲去
疑是天公召清星

七夕五首

有題

銀漢依稀烏鵲來，晚粧臨鏡照千回。
自從侍女催飛度，懶放蛾眉杼上開。

言離

明月銜波珠露寒，芙蓉如語侍河干。
一爲相聚悲輕別，不似當年下嫁觀。

淚別

金烏一唱斗箕殘，欲度銀橋露未乾。
從此枕邊多少淚，共隨河水作天寒。

相顧

粧成不敢照嬌蛾攜手其如帝命何玉步駕中迴
一顧儘教怨氣隱天河

機杼

曙色匆匆各一方拚將珠淚守空房黃姑不斷千
年渡爪菓名絲綵女郎

客雨

雨驟風多鍾漏沉訴花怨柳子規心故鄉千里王
孫路一點青燈近客襟

拜布袋和尚

膜拜僧澄繡佛前眼中花月醉青天不須扼腕平

生事吹落人間是偶然

寫夢

昔時玄圃已茫然流水飛雲不記年
弄玉湯隨青女去梅花爭笑碧窓前

武林歸

武林山色無盡時秋水尊鱸動客思
鍾斷入門迎少婦燈前低笑問臙脂

答詩

秋風搖落子雲居明月刀環慰病餘
高枕幸無俗物過白魚爭長蠹遺書

月

明月中庭影不安
千門兒女黯相看
清光一半空
弦外淚觸秋風
玉露寒

美人

聞道飛瓊下落霞
眼疑秋水髮疑鴉
愛將新山留
狂客帳捲風開七寶花

七寶花帳寧王
許李白聽妓事

其二

纖手蛾眉暗徃還
曉雲靄靄度東山
當歌立換青
驄馬帶酒生侵白玉顏

其三

錦帳斜圍雉水頭一聲一轉四時秋若爲借得西
風力吹去千般鏡裏愁

其四

雲綃耐冷禹餘天總得輕紗亦可憐楊柳枝邊春
欲到芙蓉花上月雙懸

塞下曲

草湮霜痕月滿山西風吹淚冷紅顏記得別時裁
蜀錦剪刀聲裏唱陽關

慰從兄憚亡

鼓角飛聲秋帳前酒醒坐起月經天慙勤料得城

南恨蛛網流蘇夜似年

憶遠

叢桂窮香菊代黃長安月影動行裝南樓一曲關
山笛吹落平明上馬霜

旅恨

離離黃菊送歸航脉脉秋雲伴短檣旅鴈獨鳴人
獨淚青天何事亦飛霜

春不事

醉色平分樹底紅偷將羅綺問春風中丞不理東
迎事且喚胡雛放玉驄

品詩

兄弟相逢燭吐烟爭誇鳳藻酒鎗前若於不肖形容處月色初開水上天

枕上得自愛兩字

夢迴殘月耿中天猶記華陽召酒仙流落風塵今二十提壺擬訴白雲前

示淨上人

不逐浮雲復閉關一聲十力老紅顏池成白社從教入雙跡依然落世間

蘸先君

酒入愁顏罷放歌西風寒雨鴈聲多黃金臺上月
回首白玉光中貌不過

春郊妓

紅衣落照影娥池野岸風多少護持春薄寒花分
醉色雲開新月蹙蛾眉

送叔父遊燕趙

酒助離心氣不平寶刀長揖月中橫諸侯狎主中
原事肯負夷門識姓名

其二

脫劒筵前佐壯遊梅花橫眼月橫頭明朝青白無

相識萬里龍鍾定遠侯

其三

親提五校掃王庭
七首痕多帶血腥
此去爲看魚
鳥陣馬頭笳鼓月中聽

其四

斜倚征帆仗酒歌
氣憑長鋏羽聲多
少年驅策黃
羊谷不到金錢無定河

宮詞

月抵眉梢感不同
臙脂比淚也輸紅
闌干玉臂閒
無事好結同心謝守宮

金陵宮詞十五首

聞說膏金續廣延斜拖黑鳳藕心錢羅衣亞水單
紅淺玉寫春風遠碧天

其二

斜日輕陰動碧紗夢回流水紫沉麻除非楊柳稱
宮樹不道芙蓉是慧花

其三

昭臺翟羽避層成丹棘言離玉手情袖却金題離
合草眼看連理度流鶯

其四

江水泱泱沂錦魚哀蟬曲度冷金書飄風吹入珠簾下海樹銀臺五玉裾

其五

錦蓋離離照月珠金鈴五色鎮靈符屈龍紫玉閒秋夜堅固名香度寡鳧

其六

銀蓮雜羽寄生粧白馬迢迢大宛霜沉水香浮阿育相三星明月未收光

其七

兕觥遲回三品更洗香油煖碧雲明吹鞭白鵠如

風順牛渚春來分外清

其八

迴風一曲氣如闌恩罷同心鵲尾寒望却離明圍
七寶將梳月鏡斷紅看

其九

月醴曾沾長命杯鷄飛鳳腦換玫瑰千般艷曲催
將去五綵名絲繫得來

其十

棗膏烟裏進醍醐罷酒探鈎半有無玉戶春風珠
箔靜低光隱隱綠靡蕪

十一

朋賭昭陽輕影錢橫拋金盞小桃前纖羅影亂流
波色紫骨光侵玳瑁筵

十二

懶臨八鏡柰秋何疎密流螢雨後多功德水隨明
月減惱將乾鵲喚填河

十三

天花冉冉紫雲中百道飛幡雜晚虹密向黃昏辭
佛鉢到來龍虎晚窺紅

十四

雲共斜陽歸嶺時雪隨明月散花枝
通衢不似金
鳬滑覆盤門疎玉虎移

十五

澄江鳳艣石尤風水照芙蓉上下紅
不及一群批
鵲鳥浮沉雲外送飛蓬

携飲

洞庭春許十千賒携向山頭處士家
每到醉時看
燕子就依心事上桃花

懷古

莫釐御月水風長酒半珠襦玉露涼
冰簟清秋紅

粉去一杯山色問君王

戲遊子

雨半千山掩斷虹布帆相送九疑風玉顏明鏡春
三月伴得桃花樹樹紅

漁舟婦女

晚梳青髻暗欺雲香水明溪耐日薰裙帶細連魚
子纈小窓斜倚調夫君

其二

殘月沉沉曉霧輕漁燈水上間星明傳聲風過梅
花落學得新粧不解名

其三

鴻鵠雙雙浴晚涼
白珠簾底月微茫
粉容齊借烟霞色
脂口爭分杜若香

其四

輕紗小袖淡鵝黃
雜綵流蘇吐鳳凰
莫怪比花紅不改
一生只在水雲鄉

過虞姬墓

遠天新月湛秋風
古墓蕭蕭汴水東
袖拂薜蘿鵲鵲綠
淚沾楓樹杜鵑紅

嘲歌者

病起憎教遇酒徒梁塵不動擷如何從他寫盡鴛鴦字秋水芙蓉夜合多

其二

鏡裏照來人在月酒行深處水邊花石榴一樹齊含笑笑殺風流玉齒賒

其三

十五歌兒妓女裝項邊玉鈕練裙長夜深酒罷陪郎宿一樣嬌羞懶上牀

其四

吳綾蜀錦稱身裁整日蛾眉不放開燭出暫教停

酒去月明特地捧心來

其五 戲髮

只恨添多那恨長
秋風遲却耳邊涼
曾教澆學輕雲樣
便學輕雲不肯香

其六

新月團團樹欲秋
倩他纖手上簾鉤
今宵對我須連臂
明日逢人莫點頭

其七

紫萸黃菊暮秋前
買得追風掉酒船
同上西山醉秋月
醒教歌舞醉教眠

其八

雨過蓮花香滿池採蓮人自較來遲美人初出芙蓉浦恰似蓮花半吐時

徐三座有懷

野草入秋無意綠菊花帶酒趁人開故鄉合坐歌雙鳳玉暖燈寒好自媒

懷震澤

一春半醉鳳皇山渡口魚錢信口還猶記酒醒深得意乳茶花換小金環

畫衣妓者

王顏細膩花難並莫笑輕衫畫未工素月去來如
有待東風輕薄好從容

其二

愛他秋爽上東山卽恐風光眼內難馬畔美人花
領袖今年春色未曾還

其三

明光泝月雲能白帶出天花到小庭疑是世尊雙
樹底講堂纔罷法華經

其四

無數名花疊錦文侍兒傳教百和薰明苞玉鏡收

殘霧黃鳥紗窓喚曉雲

其五

添花日日坐生愁刺繡朝朝玉指頭彩筆橫飛白
雪下美人新領百花洲

悼亡新婦

抽簪寫字酒杯中大小相思字不同更把淚痕傾
向酒一身心事口邊逢

其二

買絲繡作兩鴛鴦不事和鳴與稻梁無奈剪刀裁
破却只留交頸斷人腸

其三

梅樹逢春花滿枝東風寒暖暗相移能一作携昨宵細
聽高樓笛恨殺紅顏少護持

其四

獨坐寒窓擁敝衾一燈踈影伴孤心除頭指點移
燈去人影隨他五夜深

其五

髣髴懸雲欲引身肌膚皴栗淚須貧昔年紅燭燒
殘臘醉李含桃比一人

其六

誤墮菱花寶匣前
形分能得影依然
何如青海如絲月
十五重教似璧圓

其七

雲母帳前留密約
水晶簾外寄新衣
空房度冷凌波襪
玉臂生寒照夜璣

其八

相將慈寢問安廻
客到連催煖綠醅
一自添燈明滅後
相知多少不重來

其九

年年俛首讀遺編
問字挑燈半眼前
此夜容衣千

里外自甘溪刻過殘年

其十

宛若泉途還字女鳳皇零落不成釵苔莓封鎖黃
金屋風雨寒暄白玉堦

感懷亡婦

淦山神女身爲石化作無情斷禹腸浪子功名無
尺寸燕居伏枕夢黃梁

其二

入門幸解聲交歡老母慈顏逐日安獨有一般難
說處怕開明鏡學青鸞

其三

闔王已各三千歲
羅剎難貪十五城
若見藥師須懇訴
神州百草不須生

滕縣月下觀美人走馬

月照雕鞍明錦纈
星連珠勒貫流黃
願爲一夜桃花馬
謹帖雙娥繡襦褱

棄婦有所思

風翻燕尾列明珠
兒女輕盈定不殊
三遍桃花人自遠
每思去日數流蘇

其二

淨掃青蛾依浪子不施紅粉誤佳人
天涯鳥宿連雙影小院花陰度晚春

其三

開鎖潛教鸚鵡飛欲憑鸚鵡喚人歸
玉籠忘盡關山路又恐深廊誤綠衣

其四

報道他鄉更有春桃花秋日許重新
銀燈笑接金針線獨按紅絲刺酒人

其五

月中拭把流黃剪刀快中分影亦短
斷絲墮水沒

好顏月行水底光不煖

其六

五絲長絲定百花莫愁風雨暗明霞蕭郎肯學花
間鳥願作鴛鴦宿淺沙

其七

玉釵分股合無因紫燕黃鶯各領春還却生綃兩
行淚暗彈綃上比鮫人

其八

青鏡看花翠羽凋東家鉛粉夜吹簫帳前密地懷
前事紅燭燃絲指甲焦

其九

芭蕉綠透水晶簾
長日銀刀困指尖
飯罷偷閒禮
諸佛博山沉水手親拈

其十

芙蓉面隔芙蓉扇
花下花前暫相見
女師七首腦
後藏蝴蝶雙雙背人面

閬門竹枝詞

慨吳伯張王及時事故賦

千里提封百雉城
海潮不到水波平
青樓妓女樓
船老故把山名換酒名

其二

絲絲綠柳覆城陰
百轉黃鸝蕩子心
樓上美人臨返照
求凰翻作白頭吟

其三

雨度中流亂水紋
竈烟清淺雜浮雲
中流小婦逢估客
停櫓寒溫掠短裈

其四

連紅裙子百花新
密縫蠶絲刺鳥身
解帶登床銀燭短
匆匆摺疊送流塵

裙疊花鳥山水
是吳中珍重

其五

虹如錦纜水中消欲醉朱顏態轉嬌爭起畫眉傷
玉爪好如纖月度山腰

其六

雨濕餘皇送晚涼輕紗兒女兩三行淺紅學作桃
花色更有深紅似海棠

其七

誰家娘子後門邊村殺長年促下船煩道石湖歸
路晚今朝十五月纔圓

其八

檀板斜連五綵絲女娘學按掛枝兒酒酣唱到關

心處忽自低頭進一卮

一名打棗街

其九

銀腮鱗次柳條青
網掛沙灘月滿汀
欲識來朝晴共雨
明河東畔看犁星

其十

冰間珊瑚映指寒
水晶引月透闌干
鴛鴦瓦底籠鸚鵡
宛李谿邊雜牡丹

十一

高壘濃陰覆虎丘
轆轤山半水湫湫
攬衣獨眺浮圖上
吳越君王盡楚囚

十二

上方山頂望湖天
愁見風波怕下船
山頂塔高北寺塔
阿娘北寺塔西邊

十三

千水萬水疊城西
霸氣茫茫靜鼓聲
賀九嶺高湖月澹
蓮花峰斷夜烏啼

十四

短刀徑尺掩長裾
上馬登舟懶寄書
却取西施嘲少伯
刺將勾踐附專諸

十五

中秋結伴虎山橋四野無雲星動搖女把芙蓉男
勸酒月華相待到明朝

十六

館娃蛛網絡呆思繡戶雕梁鼠雀疑聞說張王時
去日雲中旗鼓見金姬

金姬張士誠妃妃死見金鼓助張王今金姬堰是也

十七

延門唱道買新茶小妹娘前罷採花欲竊新茶偷
祭月先教阿姊把娘遮

十八

梁鴻避世不藏名支遁無生更有情俠骨未酬天

下士馬槽洗耳聽泉聲

十九

少年出入專諸巷白打探丸每好奇昨日鍊刀兼
放馬今朝弄酒調胡姬

二十

姑蘇臺近桃花塢縹緲峰朝明月灣南向金鳧乘
夜去西行白虎幾時還

讀東坡禪喜集

東坡自是有情人歲晚篇篇種佛因今日睂公收

拾得梅花斲李一般春

睂公是仲
醇法號

感亡婦

中庭雜樹女牆邊
手植于今十二年
記得相携同
問寢白菴花下少遷延

再泊虎丘感亡婦

去年夜泊虎丘西
楊柳拖花水面齊
何事五更貪
曉月便教先聽杜鵑啼

戲白下廝養

車聲暮暮復朝朝
驢蹬低低馬蹬高
不怪坐郎頻
出外怪他直瘦鐵心橋

瞽女琵琶

紅顏盡日掩琵琶不羨秦時簫史家好似夜深沉
醉却玉牀喚醒懶看花

嘲少年

年少風流傲五侯黃金起屋玉名樓可能輕別笑
容面贏得僊人笑白頭

戲題

明月妝樓對鏡圓浮雲度馬酒行船試看欲醉迴
嬌面疑是桃花過雨天

名花

浪子如雲多不定佳人愛月好常來偏愁別後忘

名姓只把花枝少處裁

祈雨後觀音上山

千峰雨過水潺湲
天竺觀音恰上山
無數女兒穿柳過
鴉黃衫袖月潺潺

雜書

時欲約海中諸國共
攻日本且復海運

朱入婆婆三脚沙
開洋莫遣一毫差
將軍倘過夫
人嶼回首江南二月花

其二

大唐天子足雄謀
平壤三年不克收
旬日兩都如
破竹書生最切杞人憂

其三

東征士卒不堪聞鴨綠江頭有陣雲
聞說遼陽彫弊極私心欲叩李將軍

其四

十載園丘御帝星午門馳道草青青
內官早起閒無事長樂鍾聲枕上聽

其五

二月東風海水平謀臣勇士護神京
良家子弟無材力不向于戈隊裏行

其六

八道朝鮮勢不支
官寮密奏外人知
九重暖閣深如海
名對機宜及此時

其七

四海群雄割據年
邵平自有種瓜田
莫教斗大黃金印
白髮征夫肘後懸

其八

海不風波是偶然
生機殺氣每相連
大夫欲活江南命
翼軫先燒舶海船

其九

暹羅日本路迢迢
大小琉球密受朝
倘或風波臨

不測東南氛氣幾時銷

其十

將軍自昔號長城十萬旌旗討不庭
夜半燈前看玉帶暗將雙足頓東征

虜救噤逆敗遁

花馬烽烟羽檄難水生殺氣朔方寒
不夜月生紅柳遙向雙山度馬鞍

七里灘

花飛鳥飛爭欲先鳥入藤蘿花上船
客星一去無消息過客灘頭醉管絃

戲水中人

水長烟堤月滿扉
開窓細語笑聲微
蓮花幕裏看金帶
村我劉郎是白衣

記夢悼亡婦

空房玉骨久淒涼
夢入秋風叢桂香
相對窓前魂不語
坐看黃鳥化鴛鴦

再夢亡婦化爲黃鳥

不隨交頸化鴛鴦
依舊還穿金縷裳
來歲一雙春裏去
桃花水上柳蒼黃

有客守孤山

鐵騎森深守帳房
千層羅綺疊爲牀
胡兒不識蠶桑苦
蟒段教裁繡裯褱

三營

十歲孩兒馬上來
千行武士一齊開
健如俊鶻天邊落
捷若飛猿樹底迴

其二

夜半長安燈火明
傳呼買酒不停聲
袖穿箭禿弓衣破
賒却三杯進大營

其三

軍能騎馬馬能嘶
五鼓三營點陣時
德勝出門齊

念佛西華歸路聽彈詞

代贈妓素蘭

桃李平將艷色分何如清骨比湘君春風曉日笙
歌靜啼鳥聲聲怨暖雲

其二

一枝弱柳護春紗九畹分香聞月華臨醉數聲紅
叱撥冰絃歷亂點桃花

其三

冰心已寄水精宮羅襪偷閒下碧空幾度月中相
會面但看清影對香風

秋事

短髮新生海外秋，一漚心事幾時收。
當年錯許吳鉤血，甘脆羸將滿鏡羞。

寶應河舟碎戲舟中同行少婦

千濤萬浪任風行，石碎船心了不驚。
救苦觀音呼得應，月中忽起妙音聲。

閒坐

葛巾蔬飯病相傳，顛沛千端亦偶然。
四海太平無個事，竹窓閒坐補遺編。

歸自燕中

近事紛紛不忍聞
懶將怨語入詩文
春風買得歸來棹
萬里青山幾段雲

九簫前集詩卷之八

華亭宋楙澄與清甫著

友人閔志孝伯先甫校

調

望江南

咏燕齊道
中秋柳

楊柳色烟裏綠參差爭羨花飛苑李日最憐香斷
芰荷時燕別奏相思 秋夜永憶昔露頻垂對月
畫眉爭玉鏡臨流顧影闌腰肢且莫妬尊絲

其二

楊柳夜無語月婆婆窺繞水池清夢永影飛秋草

白雲多盈盈悞小娥 凭盡檻凝霧遠模糊漫掠
乳鶯驚玉蚪試隨纖露濯銀河無因附女蘿

其三

楊柳怨懶慢玉闌干蟬訴夕陽心倩語烏啼細雨
淚分寒盤馬度金丸 逢遠別濃淡儘教攀渭水
飛花紅點點灞陵流水綠潺潺春去幾時還

其四

楊柳子秋塞恰相逢繁露垂垂珠結鳳小蟲隱隱
玉盤龍螢悞一痕紅 無個事睡眠半朦朧疑與
美人窺曉鏡恨隨蓮子老秋風吹將玉笛中

浪淘沙

憶亡婦

夜煖曉雲晴小帳初明個時玉枕髮從橫青鏡且
收三五月花睡初醒銀甲冷銀箏夢裏深情十
分仔細也難憑淚隨鶯語千番下一半吞聲

點絳脣

雨色關愁鳳皇樓鎖鴛鴦瓦離情難捨小立梅花
下○計日他鄉春水船如馬還來也囑付鸚哥莫
叫垂簾者